



Andile Mji, ramathhale wa dipalo

Glanice Masilo

Kamogelo Matlawe



Andile Mji ke mogaka wa dipalo.

E ke kgang ya Andile fa e ne e le mosimane, le
ka moo a ithutileng go rata dipalo.



Andile o belegetswe kwa Gqeberha, kwa Kapa Botlhaba.

O ne a nna le mmaagwe le rraagwe. Ba nna kwa New Brighton.

Gaufi, go le motsana o bidiwa Tyani.

Ntatemogoloagwe o ne a nna koo.



Andile o ne a rata go etela Ntatemogolo. A na le lesaka la dikgomo.

O ne a botsa Andile gore, “Dikgomo tse di tona le tse di namagadi di kae? Mme dikgomo tsothle di kae mo lesakeng?”

Lwa ntlha, Andile o ithutile go bala go fitlha go lesome, a dirisa menwana. A atolosa go ya go masomeamabedi, ka menwana ya maoto.



Mokoko o ne o lela mo mosong. Ura e ne e le ya
botlhano fa ba ne ba ipaakanyetsa go gama dikgomo.

Morago, ba ya kwa thabeng e e gaufi go fudisa
dikgomo.

Ba dirisa letsatsi go lepa nako.



Mo motshegareng, nstatemogoloagwe a mmitsa. Gore a tle go ja. E ne e le ura ya bolesomepedi.

O ne a itse fa e le nako ya go ya gae.

Fa letsatsi le dikela, a bala dikgomo. A netefatsa fa di boile tsothe.



Rraagwe Andile o ne a mo rekela tshupanako fa a simolola sekolo.

A dirisa tshupanako go bala ka bobedi, boraro le bone.

E le ka fa tshupanako e na le dipalo go simolola ka nngwe go fitlha ka lesomepedi.

A itse gore lenaka le legolo, mo lesomepedi ke ura, mme, fa le supile thataro ke masome-a-mararo morago ga ura.



Andile o ne a bala dipalo ka tlhaloganyo. A balela go ya kwa pele le kwa morago a dirisa tlhogo.

O ne a kgona go bala malatsi a beke le dikgwedi tsa ngwaga, ka tatelano.


Fa dikgomo di tsala, o ne a ikatisa dipalo ka go bala dinamane.



Ka Labotlhano a paka diaparo a ya kwa go ntatemogolo. A nna Lamatlhatso le Latshipi.

Ka Mosupologo a boela gae, go ya sekolong.

Fa dikolo di tswalelwa a ya go eta, a itumelela go disa dikgomo.



Fa Andile a simolola sekolo. Ba ne ba dirisa majwe le dikotana go bala.

O ne a dirisa menwana go kwala fa fatshe. A ikatisa go tlhakanya dipalo mo mmung.


Phaposiborutelo e le fa tlase ga setlhare. Fa pula e na, ba sa ye sekolong.



Fa mosimane wa kwa Brighton a gola, a ya kwa
yunibesithing go ithutela dipalo. O ithutile dingwaga di
le dintsi.

Gompieno, Andile Mji o dira kwa lefapheng la dipalo le
manaanepalo.

O santse a kgona go lepa nako jaaka bogologolo, a
dirisa letsatsi.



Gompiano, Andile ke moitseanape Mji. O dirisa menwana ya gagwe go tlanya mo khomputhareng

O dirisa dipalo le kerafo go kwala dikgang. Dipalo o di dirisa go fitlhelela ditharabololo

O dirisa mananepalo go araba dipotso tse di jaaka, 'Go ya bana ba dingwaga di le kae kwa sekolong?'



Moitseanape Mji o dira ka khomphiutha le dipalo.

A re, “Khomphiutha e botlhokwa, fela nako nngwe e a latlhega! Tlhaloganyo ya me e nna mo tlhogong, go fitlha kwa bokhutlong.

Mo dipalolong, ga go fetoge sepe. Dipalo di nnela ruri.”



Moitseanape Mji o go tshwaretse molaetsa:

“Go itse dipalo, o tshwanetse go ikatisa go dira ka dinomoro.

Dipalo ke ‘go dira’ gape Dipalo ke mokgwa.

O tshwanetse go ithuta go akanya ka dinomoro. Ka fao, o tla nna mogaka!”

—Dipotso

1. Andile o ithutile leng lwa ntlha ka dipalo le go bala?
2. A go botlhokwa go itse go dira ka dipalo o sa dirise khomphiutha le sebaledi? Tlhalosa karabo ya gago.
3. Balela kwa pele ka bobedi, boraro le bone go fitlha go lesomepedi. Fa o fetsa, o balele kwa morago.
4. Lephata la Dipalopalo le akaretsa eng?
5. Puso e dirisa jang tshedimosetso ya Dipalopalo?
6. Ke ditiro dife tse dingwe tse pedi tse di tlhokang kitso ya dipalo? Tlhalosa.
7. Ke serutwa sefe se o se ratang go gaisa? Tlhalosa gore o ithuta jang go se tokafatsa.
8. Gatwe 'dipalo di mo dilong tsotlhe'. Neela dikai tse tharo tsa gore ke goreng seno se nepagetse.

—Dibuka tse di mo motseletseng o

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Kgang e, e tshamilwe le go kwalwa ka
Setswana, e le karolo ya Zenex Ulwazi Lwethu
ya dibukapuiso tsa porojeke ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Andile Mji, ramatlhale wa dipalo

Author/s: Glanice Masilo

Illustrator/s: Kamogelo Matlawe

Assurer/s: Refilwe Ramagoshi, Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

